

**ՋԵՐՄՈՒԿ ՀԱՄԱՅՆՔՈՒՄ ՀԱՆՐԱՅԻՆ ՄՆԴԻ
ԾԱՌԱՅՈՒԹՅՈՒՆ ՄԱՏՈՒՑՈՂ ԱՆՁԱՆՑ՝ ՏՎՅԱԼ
ՕԲՅԵԿՏԻՆ ՀԱՐԱԿԻՑ ԸՆԴՀԱՆՈՒՐ ՕԳՏԱԳՈՐԾՄԱՆ
ՏԱՐԱԾՔՆԵՐՈՒՄ ԱՄԱՌԱՅԻՆ ԵՎ ՁՄԵՌԱՅԻՆ
ՍԵՉՈՆՆԵՐԻՆ ՀԱՆՐԱՅԻՆ ՄՆԴԻ ԾԱՌԱՅՈՒԹՅԱՆ
ԿԱԶՄԱԿԵՐՊՄԱՆ ՀԱՄԱՐ ՏԱՐԱԾՔԻ ՕԳՏԱԳՈՐԾՄԱՆ
ԿԱՐԳԸ, ՊԱՅՄԱՆՆԵՐՆ ՈՒ ՍԱՀՄԱՆԱՓԱԿՈՒՄՆԵՐԸ
ՍԱՀՄԱՆԵԼՈՒ ՄԱՍԻՆ**

ՆԱԽԱԳԻԾ

ՋԵՐՄՈՒԿ ՀԱՄԱՅՆՔԻ ԱՎԱԳԱՆԻ

Ո Ր Ո Շ ՈՒ Մ

.....2025 թվականի N-Ն

**ՋԵՐՄՈՒԿ ՀԱՄԱՅՆՔՈՒՄ ՀԱՆՐԱՅԻՆ ՄՆԴԻ ԾԱՌԱՅՈՒԹՅՈՒՆ ՄԱՏՈՒՑՈՂ
ԱՆՁԱՆՑ՝ ՏՎՅԱԼ ՕԲՅԵԿՏԻՆ ՀԱՐԱԿԻՑ ԸՆԴՀԱՆՈՒՐ ՕԳՏԱԳՈՐԾՄԱՆ
ՏԱՐԱԾՔՆԵՐՈՒՄ ԱՄԱՌԱՅԻՆ ԵՎ ՁՄԵՌԱՅԻՆ ՍԵՉՈՆՆԵՐԻՆ ՀԱՆՐԱՅԻՆ ՄՆԴԻ
ԾԱՌԱՅՈՒԹՅԱՆ ԿԱԶՄԱԿԵՐՊՄԱՆ ՀԱՄԱՐ ՏԱՐԱԾՔԻ ՕԳՏԱԳՈՐԾՄԱՆ ԿԱՐԳԸ,
ՊԱՅՄԱՆՆԵՐՆ ՈՒ ՍԱՀՄԱՆԱՓԱԿՈՒՄՆԵՐԸ ՍԱՀՄԱՆԵԼՈՒ ՄԱՍԻՆ**

Համաձայն «Տեղական ինքնակառավարման մասին» օրենքի 18-րդ հոդվածի
1-ին մասի 41.3-րդ կետի՝

1. Սահմանել ՀՀ Վայոց ձորի մարզի Ջերմուկ համայնքում հանրային սննդի
ծառայություն մատուցող անձանց՝ տվյալ օբյեկտին հարակից
ընդհանուր օգտագործման տարածքներում ամառային (մայիսի 1-ից
հոկտեմբերի 31-ը ներառյալ) և ձմեռային (նոյեմբերի 1-ից ապրիլի 30-ը
ներառյալ) սեզոններին հանրային սննդի ծառայության կազմակերպման
համար տարածքի օգտագործման կարգը, պայմաններն ու
սահմանափակումները՝ համաձայն հավելվածի:
2. Լիազորել Ջերմուկ համայնքի ղեկավարին՝ հանրային սննդի
ծառայություն մատուցող անձանց հետ տվյալ հանրային
սննդի օբյեկտին հարակից, Ջերմուկ համայնքին
պատկանող ընդհանուր օգտագործման տարածքներում ամառային
(մայիսի 1-ից հոկտեմբերի 31-ը ներառյալ) և ձմեռային (նոյեմբերի 1-ից
ապրիլի 30-ը ներառյալ) սեզոններին հանրային սննդի ծառայության
կազմակերպման նպատակով կնքել համապատասխան պայմանագիր,
որում պետք է նշվեն տարածքի օգտագործման կարգը, պայմանները և
սահմանափակումները:

3. Սույն որոշումն ուժի մեջ է մտնում պաշտոնական հրապարակմանը
հաջորդող օրվանից:

